

BH TV

Bolehkah ibu bapa guna duit raya atau hadiah milik anak? Ikuti penjelasan dalam kapsul BH TV Jom Tanya Ustaz.

BH IBRAH


Pendidikan anak adalah tugas hakiki ibu bapa bermula dengan mengajar mereka ilmu agama termasuk tauhid, al-Quran dan hadis diikuti ilmu berkaitan kehidupan sempurna di dunia.

Transformasi keluarga Islam

Didikan ilmu berteraskan syariat benteng anak terjebak gejala sosial

Oleh Latifah Arifin
latifah@bh.com.my

Kerapuhan institusi keluarga dikesan bukan hanya berpunca daripada masalah sosial seperti kes penderaan, pergaulan bebas dan penyalahgunaan dadah. Faktor lain ialah pengabaian tanggungjawab oleh ibu bapa, gagal menunaikan nafkah, ketidakadilan dalam berpoligami serta terjerat hutang.

Justeru, ibarat sudah terang

lagi bersuluh, transformasi dalam kehidupan berkeluarga perlu digerakkan dan direalisasikan mengikut syariat Islam.

Jika tidak, maka pincanglah tujuan asal perkahwinan menurut Islam yang bertujuan memelihara keturunan manusia sejagat, memenuhi keperluan naluri seks dan fizikal manusia, memperbaikkan jumlah keturunan serta mewujudkan nilai kasih sayang sesama insan.

Masyarakat tidak bahagia
Firman Allah SWT yang ber-

maksud: "Dan di antara tandanya yang membuktikan kekuasaan dan rahmat-Nya, bahawa ia menciptakan untuk kamu (wahai kaum lelaki), isteri-isteri dari jenis kamu sendiri, supaya kamu bersenang hati dan hidup mesra dengannya, dan dijadikan di antara kamu (suami isteri) perasaan kasih sayang dan belas kasihan. Sesungguhnya yang demikian itu mengandungi keterangan) yang menimbulkan kesedaran) bagi orang-orang yang berfikir." (Surah al-Rum, ayat 21)

Pensyarah Jabatan Pengajian Kenegaraan dan Ketamadunan, Fakulti Ekologi Manusia, Universiti Putra Malaysia (UPM), Dr Amini Amir Abdullah, berkata peningkatan masalah sosial menunjukkan masyarakat tidak bahagia.

Beliau berkata, keperluan untuk menangani isu masalah sosial yang melanda masyarakat hari ini sudah sampai ke tahap yang amat mendesak dan memerlukan rawatan paling mujarab iaitu menyuntik semula nilai agama dalam diri setiap individu.

→ Lihat Ms.64